

Na ho tla etsahalang haeba ke etsa phoso ya ho tlodisa tefo kapa ke emisitse ho lefa tjhelete ya tlhokomelo ya ngwana?

Ho tla ntshuwa taelo ya ho o tshwara, tokomane ya ho o tshwara ho latela karolo ya 27 ya molao wa tjhelete ya tlhokomelo ya ngwana, sehlomathiso ya ditefo tse lokelwang ho ntshuwa ho latela karolo ya 28 le sehlomathiso sa mekitlana se tla lebiswa ho wena.

DIPOTSO TSE

BOTSWANG HANGATA



**KHA RI UNDE
TJHELETE YA
TLHOKOMELO YA
NGWANA**

Ke mang ya lokelang ho lefa tjehelete ya tlhokomelo ya bana?

Ke boikarabelo ba batswadi ka bobedi ho latela molao, nkgono/ntatemoholo kapa batswadi ba fuweng boikarabelo ka molao hore ba lefe tjehelete ya tlhokomelo ya ngwana.

Na nka tseka tjehelete ya tlhokomelo ya ngwana ho nkgono/ntatemoholo?

E, tjehelete ya tlhokomelo ya ngwana e ka tsekuwa ho nkgono/ntatemoholo wa ngwana ka tlhaho haeba batswadi ba sa kgone ho lefa tjehelete eo.

Na tjehelete ya tlhokomelo ya ngwana ke boikarabelo ba batswadi fela?

Tjhe, motho ofe kapa ofe ya nang le boikarabelo ba ho hodisa ngwana, khr, mohlokomedi wa molao, batswadi ba dumellwetsweng ka molao ho hlokomela ngwana hammoho le nkgono/ntatemoholo wa ngwana, haeba batswadi ba tlhaho ba hloka bokgoni ba ho lefa tjehelete ya tlhokomelo ya ngwana.

Hobaneng ke tshwanetse ho lefa tjehelete ya tlhokomelo ya ngwana?

O tlamehile ho lefa tjehelete ya tlhokomelo ya ngwana bakeng sa hore ba phele ka ho phethahala le kgodiso ya ngwana mme tsena di kenyeletsa ho fana ka dijo, diaparo, bodulo, tlhokomelo ya bongaka le thuto.

Na ke setlamo ho lefa tjehelete ya tlhokomelo ya ngwana?

E, ke setlamo ho lefa tjehelete ya tlhokomelo ya ngwana.

Na o lokela ho lebisa tletlebo ya tjehelete ya tlhokomelo ya ngwana hokae?

Lekgotleng lefe kapa lefe la makgiseterata wa lehae moo moikopedi le/kapa ngwana ba dulang teng.

Na nka leba lekgotleng lefe kapa lefe la makgiseterata naheng ho ngodisa tletlebo?

E, o ka leba lekgotleng lefe kapa lefe la makgiseterata wa lehae moo wena le/kapa ngwana le dulang teng.

Na tjehelete ya tlhokomelo ya ngwana e lokela ho lefuwa hakae?

Tjehelete ya tlhokomelo ya ngwana e lokela ho lefuwa kgwedi e

nngwe le e nngwe ka matsatsi a kgwedi ao ho dumellanweng ka ona ke mekgatlo ka bobedi mme le lekgotla la dinyewe le dumetse.

Ke tjehelete e kae e lokelang ho lefuwa bakeng sa tlhokomelo ya ngwana?

Tjehelete e lokelang ho lefuwa bakeng sa tlhokomelo ya ngwana e tla lefuwa ho latela ditlhoko tsa ngwana hape le ho latela bokgoni ba batswadi ka tjehelete.

Na ke lokela ho emisa neng ho lefa tjehelete ya tlhokomelo ya ngwana?

Tjehelete ya tlhokomelo ya ngwana e lokela ho lefuwa ho fihlela ngwana a kgona ho ikemela.

Ho tla etsahalang ha motho ya ikarabelang ho lefa tjehelete ya tlhokomelo ya ngwana a hlokahala?

Tjehelete eo ya tlhokomelo ya ngwana e lokela ho lefuwa ho tswa letlotlong la motho ya hlokaletseng bakeng sa tlhokomelo ya nako e tlang.

Ho tla etsahalang haeba ngwana a fihla dilemong tse 18 empa a ntse a eso kgone ho ikemela?

Tefo ya tjehelete ya tlhokomelo ya ngwana e tla tswela pele ho fihlela ngwana a kgona ho ikemela. Le ha ho le jwalo, tefo ya tjehelete ya tlhokomelo ya ngwana e lokelwa ho kenngwa akhaontong ya banka ya ngwana ka ho otloloha.

Na nka eketsa/theola tjehelete ya tlhokomelo ya ngwana kamora hore ho ntshuwe taelo?

E, o ka kopa hore tjehelete e theolwe, haholoholo haeba maemo a ditjehelete a fetohile.

Na ke hloka ditokomane dife ho ngodisa tseko ya tjehelete ya tlhokomelo ya ngwana?

Tokomane ya boitsebiso (ID), setifikeite sa tlhaho sa ngwana, ditatemente tsa banka tsa batswadi ka bobedi, lenane la ditlhoko tsa ngwana, lenane la ditlhoko tsa batswadi ka bobedi, jj.

Na nka tseka tjehelete ya tlhokomelo ya ngwana le ha ke ntse ke phela mmoho le Ntate/Mme wa ngwana?

E, o ka tseka tjehelete ya tlhokomelo ya ngwana haeba motswadi e mong a sa nke boikarabelo ba ho hlokomela ngwana.